



O jerin intun paîs african, il gno om, il nestri piçul di nancje doi agns e jo... O jerin alì pal mâl dal modon: la cjase e veve bisugne dai sieraments parcè che nissune bancje e deve il mutui a cui che nol veve nuie. Il nestri mont furlan lu puartavin dentri il cûr e nol jere facil parâ ju lis bocjadis di marum e dolôr che cierte int e veve dome par nô. Cul nestri piçul o fevelevin furlan e inte “cjase” li che il paron dal cantîr al veve proviodût pal gno om (pantianis che nus cjaminavin sul jet di gnot). Di là dal mûr in bande, o scoltavi a fevelâ umigns cun diviersis cadencis. Cuant che o vin començât a fâ cualchi peraule, riduçant, un di lôr mi ‘ndà contât che a vevin fât insiemit une scommesse di indulâ che o rivavin, su la nestre divignince parcè che il nestri fevelâ no rivavin ni a capîlu e ni a voltâlu. La plui part di lôr e veve pensât e scometût che o vignivin de Barbagje e duncje de Sardegne! I ai contât che o sin furlans e pal timp che o vin vivût cussì dongje a son stâts di une gjenerositât e gjentilece maraveose. Parincj, par talian, al fâs rime cun sarpints ma int, si ben che no cognossude ma di cûr, e sa dâ cul cûr, ancje gjavantsi il pan di bocje, par la anime buine che e je di cjase dentri di lôr. O puartarai simpri intal cûr ognidun di lôr, int foreste taliane ma ancje arabe che a nus àn judâts e fât sintî volûts ben come in famee (come intes fameis di sest...)

**di Barbara Battel**

**#925**